

Na osnovu člana 8. Zakona o principima lokalne samouprave u Federaciji BiH („Službene novine Federacije Bosne i Hercegovine“, broj: 49/06 i 51/09), člana 8. Zakona o komunalnim djelatnostima („Službene novine Tuzlanskog kantona“, broj: 11/21 – prečišćeni tekst), članu 14. stav 2. alineja 12. Statuta Grada Tuzle („Službeni glasnik Grada Tuzle“, broj 6/21), člana 9. stav 2. Odluke o uslovima i načinu organizovanja komunalnog javnog linijskog prijevoza putnika na području grada Tuzle (“Službeni glasnik Grada Tuzla”, broj 5/23) i čl. 1. i 2. Odluke o davanju saglasnosti za raspisivanje Javnog poziva za privremeno povjeravanje obavljanja komunalne djelatnosti javnog linijskog prijevoza na području grada Tuzle („Službeni glasnik Grada Tuzle“, broj 2/25), Služba za komunalne poslove, izgradnju i poslove mjesnih zajednica Grada Tuzla, objavljuje

JAVNI POZIV
za privremeno povjeravanje obavljanja komunalne djelatnosti javnog linijskog prijevoza putnika na području grada Tuzle

I PREDMET JAVNOG POZIVA

Predmet Javnog poziva je privremeno povjeravanje obavljanja komunalne djelatnosti javnog linijskog prijevoza putnika na području grada Tuzle na period u trajanju od 2 (dvije) godine, uz mogućnost produženja na period od dodatne 2 (dvije) godine, ukoliko se u međuvremenu ne osnuje javno komunalno preduzeće za obavljanje ove komunalne djelatnosti. Poslovi javnog prijevoza putnika u linijskom cestovnom prijevozu podrazumjevaju prijevoz putnika isključivo autobusima koji ispunjavaju tehničko-eksploatacione uslove za tu vrstu prijevoza, prema utvrđenoj mreži linija i važećim redovima vožnje, uz unaprijed utvrđene uslove prijevoza.

II USLOVI ZA PRIJAVLJIVANJE NA JAVNI POZIV

Poslovi komunalnog javnog linijskog prijevoza putnika na području grada Tuzle mogu se povjeriti pravnom licu koje ispunjava zakonom propisane uslove za obavljanje djelatnosti javnog linijskog prijevoza putnika i posjeduje licencu za tu vrstu prijevoza. Pravno lice može povjerenu djelatnost obavljati samostalno ili u saradnji sa jednim kooperantom, pri čemu ukupan broj autobusa u posjedu kooperanta ne može biti veći od 40% od ukupnog potrebnog broja autobusa za obavljanje javnog linijskog prijevoza putnika.

Podnosilac prijave za učešće na Javnom pozivu (u daljem tekstu: Ponuđač) mora ispunjavati sljedeće uslove:

- a) da je registrovan za obavljanje djelatnosti javnog linijskog prijevoza putnika,
- b) da posjeduje licencu "A" za obavljanje javnog linijskog prijevoza putnika,
- c) da je registrovan kao poreski obveznik i da je upisan u jedinstveni registar obveznika indirektnih poreza,
- d) da redovno izmiruje obaveze plaćanja javnih prihoda,
- e) da posjeduje potreban broj autobusa za obavljanje javnog linijskog prijevoza utvrđen Javnim pozivom,

- f) da u radnom odnosu ima potreban broj vozača u odnosu na broj autobusa utvrđen Javnim pozivom.

III DOKAZI O ISPUNJAVANJU USLOVA

U svrhu dokazivanja uslova za prijavljivanje na Javni poziv Ponuđač dostavlja sljedeće dokaze u originalu ili ovjerenoj kopiji:

- a) aktuelni izvod iz sudskog registra ne stariji od 30 dana od dana objave Javnog poziva,
- b) važeću licencu "A" za obavljanje javnog linijskog prijevoza putnika ili potvrdu nadležnog kantonalnog organa koji izdaje licence,
- c) uvjerenje o poreskoj registraciji – ID broj i dokaz o prijavi Upravi za indirektno oporezivanje – PDV broj,
- d) potvrde ili uvjerenja da Ponuđač ispunjava obaveze u pogledu plaćanja javnih prihoda (indirektni i direktni porezi i doprinosi za radnike) izdate od strane nadležne poreske uprave i Uprave za indirektno oporezivanje ili potpisan sporazum o plaćanju pristiglih obaveza na rate i potvrdu da Ponuđač iste redovno izmiruje,
- e) važeće potvrde o registraciji za autobuse u vlasništvu, a za autobuse kupljene na leasing: ugovor o leasing-u i važeće rješenje o ispunjavanju tehničko-eksploatacionih uslova za svaki autobus,
- f) pregled potrebnog broja autobusa (minimalno 46 autobusa) na obrascu – Prilog 2
- g) potvrdu izdatu od Porezne uprave Federacije BiH – nadležne Poreske ispostave da ponuđač ima potreban broj vozača (minimalno 90 vozača), ne stariju od 30 dana od dana objave Javnog poziva, uz obavezu prilaganja kopija iskaznica za sve vozače.

Pored navedenih dokaza o ispunjavanju uslova, uz prijavu na javni poziv (u daljem tekstu: ponuda) se dostavlja i :

- a) obrazac sa ponudom cijena – Prilog 3,
- b) garancija za ozbiljnost ponude na iznos od 200.000,00 KM.

NAPOMENE:

Ukoliko Ponuđač djelatnost javnog linijskog prijevoza putnika namjerava obavljati u saradnji kooperantom, kao nosilac ponude obavezan je za kooperanta, pored svih navedenih dokaza dostaviti i ugovor o kooperaciji.

Garanciju za ozbiljnost ponude dostavlja samo nosilac ponude, i ista se dostavlja se u obliku originalne bezuslovne bankovne garancije u propisanoj formi.

IV KRITERIJI ZA OCJENJIVANJE PONUDA

Kriteriji za ocjenjivanje ponuda su:

- a) ponuđena cijena,
- b) starost autobusa,
- c) referenca ponuđača

Maksimalan broj bodova koji se može ostvariti prema navedenim kriterijima je 100 bodova i to u omjeru:

- a) ponuđena cijena 60 bodova – 60%
- b) starost autobusa 20 bodova – 20%
- c) referenca ponuđača 20 bodova – 20%

B_s – broj bodova za kriterij „starost autobusa“,
B_{smax} – najveći broj bodova za kriterij „starost autobusa“.
20 – maksimalni broj bodova

c) referenca ponuđača

Za bodovanje po osnovu kriterija „referenca ponuđača“ cijeni se obim prijevoza, izražen u prijednim kilometrima, koji je ponuđač, odnosno ponuđač i njegov kooperant obavio u prethodnoj kalendarskoj godini na izvršenju prijevoza putnika u javnom linijskom prijevozu.

NAPOMENA:

Kao dokaze za bodovanje kriteriju „referenca ponuđača“ (K_R), odnosno dokaze o ukupnom prijednom putu u izvršenju javnog linijskog prijevoza putnika ponuđač dostavlja ovjerene kopije redova vožnje ovjerenih od strane nadležnih organa te obrazac koji sadrži spisak linija, dužinu linije, broj obavljenih polazaka i ukupan prijedni put u prethodnoj kalendarskoj godini.

Ukupan broj bodova prema **kriteriju „referenca ponuđača“ (K_R)** se utvrđuje na način da se Ponuđač koji ima maksimalan broj kilometara prijednog u izvršenju javnog linijskog prijevoza putnika, vrednuje sa 20 bodova, a ostale ponude se vrednuju srazmjerno ponudi koja ima maksimalan broj bodova, prema sljedećem matematičkom obrascu:

$$K_R = (B_R / B_{Rmax}) \times 20$$

gdje je:

B_R – Ukupan prijedni put u km u obavljanju javnog linijskog prijevoza,
B_{Rmax} – najveći zbir bodova za kriterij „referenca“.

Ukoliko više ponuda bude ocijenjeno istim brojem bodova na osnovu kriterija: “ponuđena cijena” i “starost autobusa”, ponuda koja ostvari najveći ukupan broj bodova prema kriteriju “ponuđena cijena” ocjenjuje se kao najpovoljnija.

Ukoliko i nakon primjene kriterija “ponuđena cijena” više ponuđača ima isti broj bodova, ponuda koja ostvari najveći ukupan broj bodova prema kriteriju “starost autobusa” ocjenjuje se kao najpovoljnija.

Ukoliko i nakon primjene kriterija “ponuđena cijena” i “starost autobusa” više ponuđača ima isti broj bodova, ponuda koja ostvari najveći ukupan broj bodova prema kriteriju “referenca ponuđača” ocjenjuje se kao najpovoljnija.

V NAČIN I ROK DOSTAVLJANJA PONUDA

Javni poziv će biti objavljen na službenoj stranici Grada Tuzle (<http://grad.tuzla.ba>), te istaknut na oglasnoj tabli Grada Tuzle.

Ponude za učešće na Javnom pozivu dostavljaju se u pisanom obliku sa propisanom dokumentacijom i dostavljaju se u zatvorenoj koverti putem Centra za pružanje usluga građanima (protokol Grada Tuzle) ili preporučeno poštom na adresu:

GRAD TUZLA
Služba za komunalne poslove, izgradnju i poslove mjesnih zajednica
Ul. ZAVNOBIH-a broj 11, 75000 Tuzla, Bosna i Hercegovina

sa naznakom:

**“Ponuda za učešće na Javnom pozivu za privremeno povjeravanje obavljanja
komunalne djelatnosti javnog linijskog prijevoza putnika na području grada Tuzle - NE
OTVARAJ”**

Ponuda se podnosi se na obrascu koji je sastavni dio Javnog poziva i ista mora biti uvezana u cjelinu na način da se onemogućí naknadno vađenje i umetanje stranica.

Rok za dostavljanje ponuda je 15 (petnaest) dana od dana objavljivanja Javnog poziva. Ponuđač može do isteka roka za dostavljanje ponude dostaviti izmjenu i/ili dopunu iste.

Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjenjenoj i/ili dopunjenoj ponudi.

Ponude moraju važiti u roku od 90 (devedeset) dana, računajući od isteka roka za dostavljanje istih.

Neblagovremene i nepotpune ponude neće se uzeti u razmatranje.

VI PROVOĐENJE POSTUPKA PO JAVNOM POZIVU

Postupak po Javnom pozivu provodi komisija koju imenuje Gradonačelnik.

Nakon analize i vrednovanja pristiglih blagovremenih i potpunih ponuda komisija utvrđuje preliminarnu rang listu ponuda Ponuđača, kao i zasebnu listu koja sadrži podatke o nepotpunim, formalno neispravnim i neblagovrenim ponudama.

Liste se objavljuju na oglasnoj tabli i na službenoj stranici Grada Tuzle (<http://grad.tuzla.ba>).

Na preliminarnu rang listu ponuda i zasebnu listu koja sadrži podatke o nepotpunim, formalno neispravnim i neblagovrenim ponudama Ponuđači imaju pravo prigovora u roku od 3 (tri) dana od dana objave istih na oglasnoj tabli i službenoj stranici Grada Tuzle (<http://grad.tuzla.ba>).

Prigovor mora sadržavati precizno navođenje činjenica koje su razlog ulaganja prigovora.

O izjavljenim prigovorima odlučuje Pomoćnik gradonačelnika za Službu za komunalne poslove, izgradnju i poslove mjesnih zajednica Grada Tuzla, po prethodno pribavljenom izjašnjenju Komisije na sve navode sadržane u prigovoru.

U slučaju dostavljanja samo jedne ponude za učešće po ovom javnom pozivu, izvršit će se vrednovanje iste prema utvrđenim kriterijima. O prihvatljivosti ponude odlučuje Gradsko vijeće Tuzla.

Odluku o izboru pravnog lica kojem će se privremeno povjeriti obavljanje komunalne djelatnosti javnog linijskog prevoza putnika donosi Gradsko vijeće Tuzla.

Na osnovu Odluke o izboru pravnog lica kojem će se privremeno povjeriti obavljanje komunalne djelatnosti javnog linijskog prevoza putnika Gradskog vijeća Tuzla, Gradonačelnik Grada Tuzla zaključuje ugovor o privremenom povjeravanju obavljanja komunalne djelatnosti javnog linijskog prevoza putnika na području grada Tuzle sa najuspješnijim odnosno izabranim Ponuđačem.

Ukoliko izabrani ponuđač u roku od 7 (sedam) dana od dana donošenja Odluke o izboru pravnog lica kojem će se privremeno povjeriti obavljanje komunalne djelatnosti javnog linijskog prevoza putnika Gradskog vijeća Tuzla ne pristupi potpisivanju ugovora smatrat će

se da je odustao od ponude, u kom slučaju se vrši aktiviranje garancije za ozbiljnost ponude, a poziva se slijedeći najbolji rangirani Ponuđač da pristupi potpisivanju ugovora.

U slučaju da se u toku trajanja ugovornog odnosa kojem se izabranom ponuđaču privremeno povjerava obavljanje komunalne djelatnosti javnog linijskog prijevoza putnika, ukaže potreba za izmjenu uslova obavljanja iste, kao i ugovorene cijene pružanja povjerene komunalne usluge, neophodno je pribavljanje saglasnosti Gradskog vijeća Tuzla, a u skladu sa odredbama Zakona o komunalnim djelatnostima („Službene novine Tuzlanskog kantona“, broj: 11/21 – prečišćeni tekst).

VII VRIJEME I MJESTO OTVARANJA PONUDA

Datum i mjesto javnog otvaranja ponuda objavit će se zvaničnoj web stranici Grada Tuzle (<http://grad.tuzla.ba>).

Javnom otvaranju ponuda mogu prisustvovati ponuđači ili njihovi ovlašteni predstavnici, uz predocjenje pisanog dokaza o ovlaštenju.

VIII OSTALO

Sastavni dio Javnog poziva je:

1. Obrazac ponude za učešće na Javnom pozivu – **Prilog 1**,
2. Obrazac Pregleda potrebnog broja autobusa – **Prilog 2**,
3. Obrazac za ponudu cijena – **Prilog 3** i
4. Mreža linija javnog linijskog prijevoza putnika na području grada Tuzle – **Prilog 4**.

Navedene dokumente zainteresovani Ponuđači mogu preuzeti na službenoj stranici Grada Tuzle (<http://grad.tuzla.ba>).

Povrat dokumenata koji predstavljaju garanciju za ozbiljnost ponude vrši se u roku od 5 (pet) radnih dana od dana nastupanja bilo koje od slijedećih okolnosti:

- a) odbijanje ponude, ocjena ponude kao neprihvatljive ili istekom perioda važenja ponude,
- b) dodjela i stupanje na snagu Ugovora o privremenom povjeravanju obavljanja komunalne djelatnosti javnog prevoza putnika na području grada Tuzle,
- c) poništenje ili okončanje postupka po Javnom pozivu prije izbora ponuđača,
- d) povlačenje ponude prije isteka određenog roka za dostavljanje ponuda.

Grad Tuzla zadržava pravo neprihvatanja ni jedne ponude i pri tome ne snosi nikakvu odgovornost prema Ponuđačima.

Grad Tuzla zadržava pravo izuzimanja pojedinih linija javnog linijskog prijevoza putnika na području grada Tuzle.